

MARZO 07 TEMPOS NOVOS

118

Dossier O urbanismo e as raíces do mal
Iago Martínez, Salvador Parga, María Leboeiro

**Entrevistas Javier Alfaya, Alberto Ruíz de Samaniego,
Lidia Senra, Marielle de Sarnez**

Cultura Música de quiosco

REVISTA MENSUAL
DE INFORMACIÓN
PARA O DEBATE
4 €

Na perspectiva do ano 2050

COMO SERÁ A GALICIA DO CAMBIO CLIMÁTICO



Unha contribución á emancipación humana

É bastante difícil hoxe negar a importante contribución do feminismo. Conta con grandes logros no acceso das mulleres á educación, ao traballo remunerado, á vida civil e política. Mais tamén é certo que hai gran descoñecemento e desmemoria histórica respecto dun movemento de máis de tres séculos -das súas protagonistas, dos seus textos, dos seus fitos históricos, da súa posta en cuestión do masculino como representante do humano e, xa que logo, das súas loitas contra as inxustizas, das súas formas de organización, da súa crítica do sexismo, do androcentrismo e do antropocentrismo como práctica social e teórica- empeñado en acadar que as mulleres poidan desenvolver todas as súas capacidades e sexan quen de autodeterminarse, deixar de ser definidas por outros e, consecuentemente, como 'outro'. Tanto desde a perspectiva da acción política como da teoría, o feminismo supuxo unha revolución que paseniñamente desafiou a orde social e os códigos culturais máis arraigados. Fai ver que feitos e relacións considerados "normais" ou "naturais" son produtos históricos e determinados por relacións de poder. Amosa as interrelacións coa raza e a clase. Achega novos valores que atinxen á comunidade no seu conxunto. A súa contribución segue a ser decisiva.

O descoñecemento ou o esquecemento da difícil e longa loita das mulleres pola liberdade e a igualdade comporta que haxa quen pense que o feminismo xa non é necesario ou que é cousa de países 'non desenvolvidos'. Non obstante, o feminismo é unha das mellores posicións



Maria X. Agra, profesora de Lóxica e Filosofía Moral na USC

para tratar cun mundo en crise, con profundos cambios, para pensar o presente. Ante os problemas aos que nos enfrentamos: violencia, pobreza, desigualdades, migracións, tráfico sexual, participación e representación política, dereitos sexuais e reprodutivos..., en definitiva, ante as novas, e velhas, formas de opresión e dominación, o feminismo global supón unha aposta clara por un mundo máis xusto.

Un futuro de conquistas e transformador

Considero que o feminismo fixo algo mais que un contributo, reconstruíu os alicerces da propia emancipación humana, porque sentou as bases da construción da democracia e deu sentido aos valores e aos dereitos humanos. No camiño libertador non se pode escluir ao 50% da humanidade, senom non podemos falar de emancipación nem de justiça. O feminismo fixo posíbel sair das sombras da caverna de Platom para contemplar a realidade em mais dumha dimensom e coas cores da diversidade. Adentrou-se no privado e na nossa construción psicológica, questionando mesmo expressons dessa construción como a linguagem. Só desde posiçons conservadoras ou de desconhecimento se pode afirmar que já nom é necessário. A situación das mulleres no planeta indica todo o contrario, e a pluralidade e multiplicidade das expressons feministas som o indicador de que vemos nele umha ferramenta útil, o nosso movimento emancipador. Sendo relativamente recente, se temos em conta a história da humanidade, queda por diante um futuro que aguardamos cheio de conquistas e profundamente transformador.

Na velha Europa podemos considerar que hai um caminho andado, mas se observamos os efectos da violencia contra as mulleres, a situación do direito ao aborto, o modelo económico de produçom e consumo que asfixia a reproduçom e o coidado humano, a religiom maioritária profundamente misógena ... comprovamos todo o que queda por fazer e o importantes que som



Lupe Ces é voceira da Marcha Mundial das Mulleres en Galiza.

avanços como o que se deu em Portugal co resultado do referendun do aborto, ao frear um integrisimo que está em plena ofensiva por manter em Europa as estruturas patriarcais. A incorporaçom de novas geraçons de feministas, ainda num país tam avelhentado coma o nosso, ponhem um ponto de optimismo nessa olhada cara esse futuro trabaloso.